



*Deux Iuges vieillards deviennent amoureux de Sufanne, & la veulent corrompre.*

**L**O ACHIM noble personnage prit à femme Sufanne, fille de Helcias, qui estoit fort accomplie en beauté, & toute vertu. Outre-plus, elle craignoit Dieu, estant bien instruite en la Loy de Moyse. Le susdit Ioachim estoit riche, & auoit vn jardin à fruiçts près de sa maison ; où deux anciens Iuges alloient souuent, & voyoient Sufanne : qui occasionna, qu'en contemplant sa grande beauté, ils furent embravez d'elle en leur concupiscence, sans toutesfois decouvrir l'un à l'autre leur desir charnel. Finalement ils s'accorderent ensemble de la surprendre au jardin, où ils s'enfermerent secrettement. A n-si Sufanne y estant entrée, & ayant enuoyé ses seruantes querir des huiles & vn-guents pour soy lauer, & fait fermer l'huis apres elles : voicy ces deux vieillards qui viennent à elle, & luy disent : Les portes sont closes, & personne ne nous peut voir : Consens doncques à nous, & ne refuse nostre compagnie ; Que si tu ne le fais, nous dirons que nous auons trouué vn ieune iouuenceau avec toy, & que pour cette cause tu as enuoyé tes chambrieres dehors. Alors Sufanne soupi-rant, dist : Il vaut mieux tomber en vostre main sans meffaire, que d'offenser en presence du Seigneur. Puis elle s'écria : Aussi firent les vieillards, & l'un d'eux courut ouvrir la porte aux seruiteurs ; lesquels oyant ce que disoient les susdits Iuges, deuindrent merueilleusement honteux, d'autant que iamais telles paroles n'auoient esté dites de Sufanne leur maistresse.

*Daniel 13. Chap.*